

Missæ, una de SS. Cornelio et Cypriano, in qua fit Commemor. SS. Euphemiæ etc., altera de dicta Feria sine Comm. SS. *Martyrum*.

IN MISSA DE COMMUNI DOCTORUM.

Postcommunio.
Pro Doctore Pontifice.

Ut nobis, Dómine, tua sacrificia dent salutem: beátus N. *Pontifex tuus* et Doctör egregius, *quæsumus*, precátor accédât. Per Dóminum.

Pro Doctore non Pontifice.

Ut nobis, Dómine, tua sacrificia dent salutem: beátus N. Confessor tuus et Doctör egregius, *quæsumus*, precátor accédât. Per Dóminum.

POST RUBRICAM DE OCTAVA DEDICATIONIS ECCLESIE.


In ipsa die Dedicacionis Ecclesiæ *et per Octavam, et quando varianda est Oratio ob occursum Dedicacionis alterius Ecclesiæ*, Missa dicitur ut supra in Anniversario Dedicacionis, exceptis Oracionibus, quæ dicuntur ut sequitur.

DIE 15. MAIL.

IN MISSA S. ISIDORI AGRICOLÆ CONF.

Postcommunio.

Sit nobis, Dómine, reparatio mentis et corporis cælestis mysterium: et præsta; ut *cujus exsequimur cultum, intercedente sancto Isidoro Confessore tuo*, sentiamus effectum. Per Dóminum.



Missæ Propriæ

— ✻ Sanctorum ✻ —

qui in Hispania

— ✻ celebrantur. ✻ —




Tornaci Derniorum

Sumptibus et Typis Soc. S. Joannis Evang.

DESLÉE, LEFEBVRE ET SOC.

S. SEDIS APOST. ET S. RIT. CONG. TYP.

— ✻ 1898. ✻ —



Gregorius Papa xiiij.

AD PERPETUAM REI MEMORIAM.

HASTORALIS Officii cura Nos admonet, ut ea, quæ magis conducere censemus, pro locorum et personarum qualitate concedamus. Sane licet alias post

Missalis et Breviarii ex decreto sacri Concilii Tridentini editionem fel. rec. Pius V. Prædecessor Noster, dilecti Nobis filii Ludovici de Torres Malacitani et Cameræ Apostolicæ Clerici, qui tunc ex Hispaniarum regnis, ad quæ ab eodem Prædecessore pro certis gravibus negotiis ad rempublicam christianam spectantibus missus fuerat, Romam redierat, relatione audita, multas scilicet, ut ipse Ludovicus a viris gravissimis ad hunc effectum a carissimo filio nostro Philippo Hispaniarum rege catholico deputatis acceperat, ex hujusmodi editione subortas fuisse in illis partibus difficultates, ad eas tollendas nonnulla quoad Hispaniarum regna prædicta duxerit reformanda, et concedenda: nihilominus, quia, ut idem Ludovicus Nobis retulit, re ipsa compertum est adhuc aliqua ad Missalis et Breviarii impressionem, quæ in illa provincia magnis impensis curantur, desiderari: Nos ejus dictis certam adhibentes fidem; ad omnem scrupulum dimovendum, motu proprio et ex certa scientia Nostra ac de apostolicæ potestatis plenitudine hæc quæ sequuntur declaranda duximus et concedenda.

In primis illud Nobis declarandum se offert, ex quo magna oriri poterat confusio. Cum enim prædecessor Noster prædictus indistinctè concesserit, ut ecclesiæ Hispaniæ possint celebrare Officia propria Sanctorum illius provinciae, illique plures sint numero, ex hoc sequebatur, ut Officium majoris partis feriarum anni omitteretur, et ordo Breviarii fere subverteretur: Nos huic incommodo occurrere volentes, et Prædecessoris prædicti mentem sano modo interpretantes, declaramus unamquamque Hispaniæ ecclesiam eorum tantum Sanctorum, qui in Breviario non sunt descripti, Officia propria celebrare posse, qui vel illius diocesis sunt naturales, vel ejus ec-

iv. Bulla Gregorii Papae xiii.

clesiæ seu diocesis sunt patroni, vel quorum corpora seu notabiles reliquiæ in ea ecclesia seu diocesi requiescunt. De aliis vero Sanctis, etiamsi sint naturales, vel patroni alterius diocesis, etiamsi illorum corpora vel notabiles reliquiæ in aliqua ecclesia alterius diocesis requiescant, non celebretur Officium proprium, sed servetur ordo Breviarii Romani. Et quo die celebrabitur festivitas patroni unius diocesis, religiones omnes teneantur eodem die in suis ecclesiis intra limites illius diocesis existentibus, eandem festivitatem celebrare, et in hoc cum ecclesia matrice se conformare.

Item volumus, quod festivitates sequentes sint in tota Hispania generales; ita quod omnes ecclesiæ et religiones existentes in illa provincia recitent de illis et celebrent propria illorum Officia, quæ sunt: festivitas Expectationis Domini nostræ, quæ celebratur die xviii. mensis Decembris. Et quoniam dicta die juxta Breviarium Romanum feria habet Antiphonas proprias ad Laudes, ne Antiphonæ prædictæ omittantur, et ut festivæ singulis annis in illa provincia decantentur; mandamus, quod dictæ Antiphonæ feriales, quæ in die, in qua Officium Expectationis celebratur, dicendæ essent, reponantur die xvj. Decembris, ommissa ea, quæ ad Canticum dicitur, cujus loco dicatur ea, quæ ad Canticum ponitur in Psalterio; et idem fiat de Antiphonis in die sancti Thomæ occurrentibus, reponendis in Sabbato, quando festum Expectationis hujusmodi in Sabbato venerit; ut scilicet Antiphonæ in die sancti Thomæ occurrentes, tunc reponantur xvj. Decembris, dempta ea, quæ dicitur ad Canticum, ut supra.

Item festivitas Triumphæ sanctæ Crucis, quæ celebratur die xvj. Julii. Item festivitas sancti Ildephonsi, Archiepiscopi Toletani Confessoris. Item festivitas sancti Isidori, Archiepiscopi Hispanensis, pro quo celebretur Officium Doctoris, et recitetur Credo in celebratione Missæ. Insuper celebretur festivitas sanctæ Annæ, Matris beatæ Mariæ Virginis, in omnibus locis, ubi fuerit ecclesia, vel capella dictæ Sanctæ ad præsens, vel ubi ædificabitur ecclesia in futurum. Item concedimus, ut

Bulla Gregorii Papae xiii. v.

quælibet ecclesia, et monasterium Hispaniæ, habens aliquas reliquias insignes, puta caput, brachium, vel crus alicujus Sancti, etiam alienigenæ, non existentis in Breviario, vel de quo in dicto Breviario fit tantum commemoratio, possit illius festivitatem celebrare et Officium duplex facere, et de alio Sancto eodem die occurrenti, si fuerit simplex, fiat commemoratio: si vero fuerit duplex vel semiduplex, transferatur in primam diem simili festo non impeditam. Et quoniam in regno Castellæ in pluribus ecclesiis celebratur die xxx. Decembris Translatio sancti Jacobi Apostoli, Hispaniarum Patroni, præcipuum duplex, et in Breviario ponitur die xxix. festivitas sancti Thomæ Archiepiscopi Cantuariensis, et Martyris, semiduplex, et in anno, quo festivitas sancti Thomæ occurrat in Dominica, juxta regulam Breviarii transfertur in diem sequentem, quo die in eo regno celebratur supradicta festivitas sancti Jacobi, posteaque per plures dies non venit aliqua dies vacua, in qua possit celebrari festivitas prædicti S. Thomæ: volumus, ut in eo anno festum ipsum sancti Thomæ transferatur ad primam diem duplici non impeditam, quæ erit Vigilia Epiphaniæ, et tunc de Vigilia fiat tantum commemoratio: ad Vesperas autem Epiphaniæ nulla fiat commemoratio de festo S. Thomæ prædicti.


Cum vero in ecclesiis et religionibus Hispaniæ vigeat consuetudo, quod diebus paschalibus et festivitatibus majoribus celebret Missam conventualem Antistes vel alia persona principalis, et regula Missalis ordinet, quod omnibus diebus Dominicis infra annum sacerdos, qui celebraverit Missam conventualem, exeat ante celebrationem Missæ cum pluviali vel cappa et cum ministris ad incipiendum in altari majori Antiphonam Asperges, et aspergendum aqua benedicta populum: concedimus, quod Antistes seu alia persona principalis celebrans Missam conventualem præmissa facere non teneatur, sed illa facere possit quilibet alius simplex Sacerdos ejus loco, et quod talis Sacerdos non deferat pluviale, sed albam et stolam, vel superpelliceum et stolam, nec procedat associatus cum ministris, sed solum cum acolythis.

vi. **Bulla Gregorii Papae xiii.**

Hæc autem omnia et (singula, Breviarium et Missale concernentia, per felices recordationis Pium V. et Nos concessa pro Hispaniarum provinciis, volumus ut intelligantur etiam concessa ecclesiis insularum et terræ firmæ Indiarum dicto regi Catholico subjectarum. Et insuper statuimus, quod Missæ Sanctorum, quæ juxta motum proprium dicti Pii V. in Missali Romano in Hispaniis imprimendo possunt imprimi, non in corpore sed in fine dicti Missalis imprimantur. Et ita per præsentis Apostolica auctoritate declaramus, statuimus, concedimus, et indulgemus: non obstantibus præmissis litteris Prædecessoris prædicti in Breviario et Missali, ac regulis sub Rubricis generalibus cum ipsismet Breviariis et Missalibus impressis nec non omnibus, et singulis in eis contentis prohibitionibus, clausulis, derogationibus, et decretis: quæ omnia Nos ad effectum præsentium in dictis provinciis locum sibi non vindicare decernimus: ac aliis, quæ dictus Prædecessor in suis litteris obstat non voluit, ceterisque contrariis quibuscumque. Ut autem præsentis litteræ omnibus innotescant, volumus, et districte præcipiendo omnibus et singulis librorum impressoribus in partibus illis consistentibus mandamus, ut illas in cujuslibet Missalis et Breviarii principio imprimant, et imprimi curent; alias illis non appositis, et impressis præsentis nemini suffragentur.

Datum Romæ apud sanctum Petrum sub annulo Piscatoris, die xxx. Decembris, M. D. LXXIII. Pontificatus Nostri anno primo.

CÆS. GLORIERIUS.



**Missæ propriæ Sanctorum
in Hispania celebrandæ.**

DIE IV. DECEMBRIS.

S. Barbaræ VIRGINIS ET MARTYRIS.

MISSA. *Loquelbar*, de Comm. Virginum, p. [34].

DIE VIII. DECEMBR. **Immaculatae Conceptionis SS. Dei Genitricis Mariæ,**
HISPANIARUM ET INDIARUM PATRONÆ
(et infra Octavam).

Missa nova ex Decreto SS. Pii PP. IX. XXV. Septembris 1863. ut in Missali, eadem die, p. 371.

DIE IX. DECEMBRIS.

S. Leocadiæ VIRGINIS ET MARTYRIS.

MISSA. *Me expectaverunt*, de Communi Virginum, ij. loco, p. [36].

Oratio. Beatae Leocadiæ Virginis et Martyris tuæ, quæsumus Domine, precibus et meritis adjuvémur: ut, quæ pro tui nominis confes-

sione carceres et mortem pertulit, suo nos patrocinio ab ætérno cárcere defendat. Per Dóminum.

EVANGELIUM de Missa. *Loquelbar*, p. [34].

Commem. Octavæ et Feriæ.

DIE X. DECEMBR. **Translationis Aemæ Domus Laurentinæ B. M. V.**

MISSA ut in fine Missalis, p. [114].